



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-1-575-16/18

Datum: 04.05.2018.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 03.05.2018.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU

o izboru najpovoljnijeg ponuđača

I

Najpovoljnija ponuda za radove u predmetu nabavke "Nastavak gradnje 4 (četiri) sportske dvorane osnovnih škola na teritoriji općine Tešnja" je za:

Lot-1 Nastavak izgradnje školskih sala za osnovne škole u Jablanici, Kaloševiću i Novim Miljanovcima, po cijeni bez PDV-a od 386.000,00KM (slovima:tristotineosamdesetšesthiljada i 00/100 konvertibilnih maraka) odnosno sa PDV-om u iznosu od 451.620,00KM (slovima:četiristotinedesetjednihiljadašeststotinadvadeset i 00/100 konvertibilnih maraka) je ponuda ponuđača Inžinjeri I doo Tešanj;

Lot-2 Nastavak izgradnje školske sale za osnovnu školu u Šijama, po cijeni bez PDV-a od 225.000,00KM (slovima:dvijestotinedvadesetpethiljada i 00/100 konvertibilnih maraka) odnosno sa PDV-om u iznosu od 263.250,00KM (slovima:dvijestotinesdesettrihiljadedvijestotinedeset i 00/100 konvertibilnih maraka) je ponuda ponuđača Inter doo Tešanj.

II

Ponuda je dostavljena u otvorenom postupku, sa podjelom na lotove koji je objavljen na Portalu javnih nabavki dana 13.03.2018.godine pod brojem: 375-1-3-52-3-30/18, kriterij za dodjelu ugovora je najniža cijena.

III

Obavezuje se izabrani ponuđač da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponuda Astra Plan doo Brčko se odbacuju iz razloga što ponuđač uz ponudu nije dostavio traženu dokumentaciju kako je to propisano tenderskom dokumentacijom, te je ista ocijenjena kao formalno neispravna.

V

Za realizaciju Odluke zadužuju se Služba za društvene djelatnosti i investicije općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke za radove "Nastavak gradnje 4 (četiri) sportske dvorane osnovnih škola na teritoriji općine Tešnja" pokrenut je Odlukom o pokretanju postupka broj:02-49-1-575-2/18 od 07.03.2018.godine. Odabran je otvoreni postupak, sa podjelom na lotove (dva lota), koji je objavljen na Portalu javnih nabavki dana 13.03.2018.godine pod brojem: 375-1-3-52-3-30/18, procijenjena vrijednost javne nabavke je 504.273,59KM a kriterij za dodjelu ugovora je najniža cijena.

U ostavljenom roku za dostavu ponuda pristiglo je 6 (šest) ponuda i to: ponuda Nedjing doo Tešanj(za Lot-2), ponuda Inžinjering I doo Tešanj (za Lot-1 i Lot-2), ponuda Astra Plan doo Brčko (za Lot-1 i Lot-2), ponuda Kristal doo Živinice (za Lot-1 i Lot-2), ponuda Inter doo Tešanj (za Lot-1 i Lot-2) i ponuda DKM Gradnja doo Maglaj (za Lot-2).

Komisija za javne nabavke imenovana rješenjem Općinskog Načelnika broj: 02-49-1-575-4/18 od 11.04.2018.godine izvršila je dana 16.04.2018.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da je 5 (pet) ponuda formalno ispravno (sadržajno kompletne i ispravnog sadržaja), i da se kao takve mogu ocjenjivati u skladu sa zahtjevom za dostavu ponuda.

Komisija za javne nabavke je prilikom pregleda i ocjene ponude utvrdila da postoji računska greška u ponudi ponuđača Kristal doo Živinice te je ugovorni organ u skladu sa članom 17. stav 5. Uputstva za pripremu tenderske dokumentacije i ponuda (Sl.Glasnik BiH broj:90/14 i 20/15) aktom broj: 08-49-1-575-13/18 od 17.04.2018.godine dostavio ponuđaču Kristal doo Živinice zahtjev za prihvatanje ispravke računске greške. Ponuđač Kristal doo Živinice je svojim aktom broj:83/18 od 24.04.2018.godine (protokol ugovornog organa broj:08-49-1-575-14/18 od24.04.2018.godine) dostavio saglasnost na ispravku računске greške.

U svrhu dokazivanja da ispunjavaju uslove za primjenu preferencijalnog tretmana domaćeg svi ponuđači su u postupku dostavili dokumentaciju kojom dokazuju preferencijalni tretman domaćeg, te je nastavljen postupak u pravcu zakazivanja E-aukcije jer je tenderskom dokumentacijom i predviđena E-aukcija.

Tačkom 1.5. Tenderske dokumentacije predviđeno je da će se u ovom postupku dodjele ugovora primjeniti E-aukcija za ponuđače koji su podnijeli prihvatljive ponude te je ugovorni organ zakazao E-aukcija za Lot-1 za dan 26.04.2018.godine od 13:30 sati sa vremenskim trajanjem od 10 (deset) minuta a za Lot-2 za dan 26.04.2018.godine od 14:00 sati sa vremenskim trajanjem od 10 (deset) minuta.

Iz Izvještaja o toku i završetku E-aukcije od 26.04.2018.godine (koji je u predmetu spisa) vidljivo je da ponuđač Inžinjering I doo Tešanj zauzima prvo mjesto na Konačnoj listi ponuđača koji su učestvovali u E-aukciji za Lot-1 a ponuđač Inter doo Tešanj za Lot-2. Komisija je uz suglasnost Općinskog načelnika budući da je ponuđena cijena viša od procijenjene vrijednosti javne nabavke (akt od 03.05.2018.godine u predmetu spisa) izvršila rangiranje prihvatljivih ponuda prema kriteriju za izbor ponuda kako slijedi:

Lot-1

1. Inžinjering I doo Tešanj
2. Kristal doo Živinice
3. Inter doo Tešanj

Lot-2

1. Inter doo Tešanj
2. Nedjing doo Tešanj
3. Kristal doo Živinice
4. Inžinjering I doo Tešanj
5. DKM Gradnja doo Maglaj

Komisija je kod ocjene ponuda takođe utvrdila da 1 (jedna) ponuda nije formalno ispravno i da ne sadrži dokumentaciju (uopšte ili u formi kako je traženo tenderskom dokumentacijom) koja je tražena tenderskom dokumentacijom kako slijedi:

Ponuda Astra Plan doo Brčko imala je grešku kod dostavljanja ponuda naime tačkom 16. tenderske dokumentacije propisan je način dostavljanja ponuda ako se dostavljaju ponude za dva lota, koja glasi "Ponuđač koji dostavlja ponudu za više lotova ima pravo da izjave o ispunjavanju uslova za kvalifikaciju da ispunjava uslova iz člana 45. Zakona i dokaz o registraciji, sa pripadajućim izjavama dostavi u jednoj ponudi, prvog po rednom broju lota na koji se prijavljuje iz razloga što se u konkretnoj nabavci ne traže po lotovima različiti uslovi u vezi sa ekonomskom i finansijskom sposobnošću, odnosno profesionalnom i tehničkom sposobnošću.

Ponude za sve lotove na koje se prijavljuje dostavlja u posebnim kovertama na kojima mora biti naznačeno na koji lot se ponuda odnosi.

Ako ugovorni organ od ponuđača zahtjeva i kopiju ponude, onda se kopija ponude dostavlja zajedno s originalnom ponudom. U tom slučaju se jasno naznačava »ORIGINAL« i »KOPIJA« ponude. U slučaju razlika između originala i kopije ponude, vjerodostojan je original ponude".

Ponuda ponuđača Astra Plan doo Brčko dostavljena je u jednoj koverti, original i kopija ponude nije bila posebno zapakovana u odvojenim kovertama a lotovi su bili dostavljeni zajedno u jednoj koverti, dakle nisu bili u posebnim kovertama.

Takođe ponuda Astra Plan doo Brčko sadrži kopiju Potvrde banke kod koje ponuđač ima otvoren transakcijski račun za poslovanje da račun nije blokiran u posljednjih 6 (šest) mjeseci (Potvrda Pavlović International bank broj:02-2-947/18 od 28.03.2018.godine) a Tačkom 13.2.1 tenderske dokumentacije propisano je da u svrhu dokazivanja uslova iz člana 47. Zakona o javnim nabavkama ponuđač je dužan uz ponudu dostaviti: - običnu kopiju Potvrde banke kod koje ponuđač ima otvoren GLAVNI RAČUN za poslovanje (na potvrdi naznačiti da se radi o glavnom računu za poslovanje), da račun nije blokiran u posljednjih 6 (šest) mjeseci. Iz dostavljene potvrde uz tendersku dokumentaciju nije vidljivo da li se radi o Glavnom računu za poslovanje.

Takođe ponuda Astra Plan doo Brčko ne sadrži Izjavu popunjenu i ovjerena od strane ponuđača o godišnjem broju zaposlenih i broju rukovodećeg osoblja u 2018. godini, kako je propisano tačkom 13.3.2. tenderske dokumentacije.

Ponuda Astra Plan doo Brčko je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:02-49-1-575-15/18 od 03.05.2018.godine), da se u predmetu javne nabavke radova "Nastavak gradnje 4 (četiri) sportske dvorane osnovnih škola na teritoriji općine Tešnja", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za radove za Lot-1 određuje ponuda ponuđača Inžinjeri I doo Tešanj a za Lot-2 ponuda ponuđača Inter doo Tešanj, odnosno kako je to navedeno u tački I ove Odluke, te da se sa istim zaključke ugovori u skladu sa ponudama i postignutom cijenom na E-aukciji navedenih ponuđača za radove predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljniji za Lot-1 Nastavak izgradnje školskih sala za osnovne škole u Jablanici, Kaloševiću i Novim Miljanovcima izabran je ponuđač Inžinjeri I doo Tešanj za ponudenu cijenu na E-aukciji održanoj dana 26.04.2018.godine bez PDV-a 386.000,00KM (slovima:tristotineosamdesetšesthiljada i 00/100 konvertibilnih maraka) odnosno sa PDV-om u iznosu od 451.620,00KM (slovima:četiristotinepedesejednahljadašeststotinadvadeset i 00/100 konvertibilnih maraka) a za Lot-2 Nastavak izgradnje školske sale za osnovnu školu u Šijama, po cijeni bez PDV-a od 225.000,00KM (slovima:dvijestotinedvadesetpethiljada i 00/100 konvertibilnih maraka) odnosno sa PDV-om u iznosu od 263.250,00KM (slovima:dvijestotinešesdesettrihiljadedvijestotinepedeset i 00/100 konvertibilnih maraka) izabran je ponuđač Inter doo Tešanj.

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđači x6,
2. Služba za društvene djelatnosti i investicije,
3. Web stranica općine Tešanj, elektronski,
4. Predmet.

Stavčić



OPĆINSKI NAČELNIK

Mr.sci. Suad Huskić